

Китдин металлургс болд гаргългъиг икдүлхин төлә ноолданд

ПЕКИН. (ТАСС). 1958 джил орн-нутг 10.700 минъгън тонн болд — 1957 джилинкәр болхла хойр холван икәр гаргъхмн гисн Китдин Коммунистическ партин дуудвриг Китдин металлургс ик гидг бахмджтагъар болн. örgмджтәгъар тосв.

Республикин предприятысар болдж йовх партийн хургуд деер, көдлмшчнр болд хаальлгъиг ягъдж өскхин туск аргъинь хәәдж күүндвр кедж йовцхана. Төрскнәннь металлургин әвртә ик предприятя — Аньшаньск металлургическ комбинатин коллектив сентябрь сариг — «өөдән производительность күүцх сар» гидж зарлв. Комбинатин көдлмшчнр өдр болгън, август сарар болхла, 500 тонн болд икәр гаргъх болдж даалгъвр авцхав.

Шанхайин, негдгч б о л д хаальлгъна заводин көдлмшчнр эврәннь чидләрн конвертер тосхад, тосхачнрта хамдан, сул цаглари конвертерн цехиг икдүлхәр даалгъвр авб. Шанхайин металлургс эврәннь джилә зурагъан икдүлх халхурнь сольвр орулад, терүнә ашд эн джил орн-нутг Шанхайас 1.200 минъгън тонн болд авхмн — эннь нидн жи-

ләкәс хойр холван ик болдж гархмн.

Тяньцзиньчнр программан давулдж күүцәгъад, эн джил 440 минъгън тонн болд хаальдж өгх болв.

Аньшана, Шанхайин болн Тяньцзинә көдлмшчнртә хамдан Китдин хоул балгъсна металлургс бас болд хаальлгъиг икдүлх ноолданд орлджана. Шицзиньшинск металлургическ заводин көдлмшчнр эврәннь предприятән реконструкц келгънә болзгт сольвр орулв. Джилдән 100 минъгън тонн болд өгх конвертерн цехиг болзгаснь урд көдлмшт орулх болдж тедн дөгъвр авб.

Эврәннь олна чидләр баахн-баахн доменн бешмүд келгънә джисән Китдт улм örgәр делгрдж йовна. Зугл ганцхн Сычуань провинцд августин чилгч күртл арви минъгъ гартиим бешмүд кеддв. Тер бешмүдиг тосхлгъна болзгиг хасна болн тедниг сәәнәр олзлсна ашд, Сычуаньд сентябрь сард болд хаальлгън, август саринәр болхла, тавн холван шаху өсв.

Редактор Д. М. МУКЕБЕНОВ.